

И ЕГАЛИН

Андо ккер е Вогиеске о Халишпири денединел
храпиесар, жукед щарбрешутно, сериали пладне
андо синьо... И Егалин битрашали атлетка, муй
лажавно подел. Целиме нашел анди саскярлин
е бистердипнаске “Дешбрешутники”...
Прастал, родел гарухтипно ттан, сполука нищожно ...

Ан о ек срас, о Халишпири-фараони, илалипнастар лелпес!
Прелел е ккамалина тай палем лескоро разчивто колин хримитинел.

Махинел, веинел мангло-ангярдо угодиба, препутне сар лесте...
Раздел, мандати разчивто канесте... Ролйес е ешутне ичиенге,
кеманедес, лалажидес, раздел ангрустя годежиеске, фалшива,
со, сарто перел леске...
Викинел лен андо криси, крисинел, дошалинкярел ан о
паранормална суне. “Псифактор”, “Досиедес хикс” ко синьо
екрани ТВ филмия въртинел, екшутне е диккамлеске-бибукярно.
А храндиери, саво оринел и ппув, ровел тракториеске, букярно!
О халишпири... О сълес сесияне ччинел хайстиканес.
Мукел пе децибеля, талазя гебердане.

И Егалин, бисаскярди, ни мули ни живди, палема
доперел - сериали “Пладне андо синьо”... Дано...
Кате шляинел, якаса лоли сар рат, кордоме?
Кале пуля хреноне фанелате, маккири-маккиряне гранкеге.

О вогори, са-муло, ппандел якка ашал састе егалиняке!
Воги, ппутер якка кинескопия! Прожектирине Егалин
най-бут диккло филми тай о Халишпири билав! Соприн!
Аччав! Ирине лес миласа ан диккамлесте би нисаво череки,
прахинка!

А е апакинякири балвал ка ппудел лес
андо телуне погя е жендемиеске катар допело!
И Егалин наци те мерел, ванерже те явинелда пес сар мули.
Наци те мерел!

